

# INUIT ATAQATIGIIT

## Inatsisartuni



UKA 2017/132  
14.10.2017  
Kelly Berthelsen

**Avatangiisit innarlitsaaliorneqarnissaannik Inatsisartut Inatsisaat nr. 9, 22. november 2011-meersumi kapitali 6-imi, imeqarfiit killeqarfiini suliaasaqartoqartillugu immikkut akuersissuteqartarnermut tunngatillugu, aalajangersimasumik erseqqinnerusumillu maleruagassiuunneqarnissaanut Naalakkersuisut kingusinnerpaamik UKA18-imut siunnersuummik suliaqaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Villy Olsvig, Inuit Ataqatigiit)

Naalakkersuisut peqquneqarnissaannik Villy Olsvig Inuit Ataqatigiinneersup siunnersuutaa pingaarutilik qujassutigalugu ima Inuit Ataqatigiinniit oqaaseqarfiginiarparput:

Imeq, pingaartumik imeq minguitsoq, inuunermt pingaarteqarluinnarpoq. Erngullu pingaassusia pillugu siulivut oqartarsimapput ukiorluunerani ajorsarfiup nalaani inuit perlerneramik pinnatik kisianni qilannermit toqusartut. Tassa imeq pingitsoorsinnaanngilluinnarparput.

Inuillumi najugaat ikinngitsut imeqarfeqarnertik pillugu inoqalersimasarput, pingaartumik niuernerq eqqarsaatigalugu tunngavilerneqarsimariaraangamik.

Illoqarfivut nunaqarfivullu amerlasuut kuup tatsilluunniit qanitaaniittaramik alliaartortillutik imeqarniarnikkut ajornartorsiulertortarput. Sananeqaatit ulluinnarni atukkatta ilaat, soorlu orsussat, ulorianartuupput imermullu akuliussimatillutik peeruminaattarlutik. Tupinnanngitsumik nunakkoorutit assigiisaallu orsussartortut imeqarfiit angalanerat pillugu assorsuaq sukangasunik malittarisassaqqarpoq.

Uagut kisitta imeqarfinnut qanittunik illoqarfeqanngilagut. Assersuutigalugu Norge uatsinnut assingusumik nunatalik uagutsinnit allaasunik imeqarfiit pillugit aalajangersagaqqarpoq. Uagut suut orsussamik atuiffiusut qanorluunniit annikitsigisunnguit tamakkerlugit inerteqqutigigivut norgemiut pisut ataasiakkaat mingutsitsisinnaassusiat mingutsitsinerullu qanoq ilimanaateqartiginera nalilersorlugit imeqarfiit eqqaat pillugit aalajangersagaqaliortarput. Aamma nuna erngullu pissusii aalajangersagaliorminni nalilersortarpaat. Tassuuna uagut malittarisassavut assigiinngissuteqangaatsiarput.

Illoqarfivut imeqarfiit eqqaanniipput, illoqarfiit ilaat alliaortarput, inuit angallarissiarparput, aammalu inuussutissarfissat nutaat, soorlu takornariartitsineq, illoqarfiit eqqaanni kajungerineqaleriartarput. Taamaammatt piffissanngulerunarpoq imeqarfiit pillugit malittarisassavut nutaamik nalilivigissallugit. Assersuutigalugu, ima imalu illoqarfik qanitsigipput ima imalu ittumik imeqarfik saliiveqassaaq. Saligutit ima pitsaassusillit atornerqartarpata suliat imaattut akuerineqarsinnaapput.

Aamma, paasianiinngitsoortariaqanngilaq qanoq ilillutik norgemiut uagutsinnik eqaannerusunik malittarisassaqqarsinnaanersut? Pitsaannerusunik saliissuteqarpat? Mingutsitsinermt pinaveersaartitsiniutik allanik malittarisassaqqaramik?

Tamakuinnaalluunniit eqqarsaatigalugit oqaluserisassap matuma ataatsimiititaliami attuumassutilimmi nalilersorneqarnissaa pisariaqqarpoq pisariaqqarpallu immikkut ilisimasalinnut

naliliisitsisoqartariaqarluni. Tassami ataaseq qularnanngilaq, illoqarfiit inuussutissarsiutillu ineriartortillugit imeqarfiit naliliivigeqqinneqarnissaat allaqqunneqarsinnaanngilaq.

Taama oqaaseqarluta siunnersuutip Avatangiisinut Ataatsimiititaliamut oqaluuserisassanngortinneqarnissaa inassutigissavarput.